



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 444; 565 404; 565 408
fax. +387 33 565 423
e – mail: info@voda.ba

Broj: **UP-I/25-1-40-467-3/09**

Datum: 11.01..2010. godine

«Agencija za vodno područje rijeke Save» Sarajevo rješavajući po zahtjevu Investitora **Elvedina Mahmutovića** za izdavanje prethodne vodne saglasnosti, u postupku pribavljanja urbanističke saglasnosti i okolinske dozvole, za ispuštanje tehnoloških otpadnih voda iz poslovnog objekta farme za tov pilića u naselju Jevadžije, općina Tešanj, na osnovu člana 109. stav 1. tačka 2. i 3., člana 111. i člana 139. stav 1. tačka 3. i 4. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru Elvedinu Mahmutović, za ispuštanje tehnoloških otpadnih voda objekata farme za tov pilića na zemljištu označenom kao k.č. br. 993/3, K.O. Jevadžije, općina Tešanj, a u postupku pribavljanja urbanističke saglasnosti i okolinske dozvole.
2. Ova prethodna vodna saglasnost se odnosi isključivo na ispuštanje tehnoloških otpadnih voda objekata farme za tov pilića definisanih tačkom 1. ovog rješenja i ne oslobađa podnosioca zahtjeva obaveze pribavljanja prethodne vodne saglasnosti za zahvatanje voda i ispuštanje sanitarno-fekalnih otpadnih voda, za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog Kantona.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:

Pripremiti investiciono-tehničku dokumentaciju, koja treba da je urađena od strane ovlaštenog projektanta u skladu sa pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti, najmanje na nivou Idejnog projekta.

Projektom dati rješenje prikupljanja, odvođenja i način prečišćavanja tehnoloških otpadnih voda od pranja objekata i opreme za uzgoj i tov pilića (pojilica, hranilica), te način disponiranja istih.

Projektom dati rješenje privremenog odlaganja đubara (mješavine kokošijeg izmeta, piljevine i slame) u cilju sprječavanja rasipanja tečnog i krutog sadržaja po okolnom zemljištu, kao i zaštite površinskih i podzemnih voda.

Projektom dokumentacijom obuhvatiti način mjerenja zahvaćenih voda (predvidjeti atestirani vodomjer).

Objekti ta tov pilića ne smije biti u koliziji sa površinskim vodama niti da se nalazi u prostoru zaštitnih zona površinskih i podzemnih voda. Dokaz pribaviti od strane operatora vodovodnog sistema i nadležnih općinskih službi.

Projektom dokumentacijom jasno definisati položaj objekta u odnosu na obližnje vodotoke (da li je isti pod uticajem velikih voda), te sagledati sve moguće neželjene uticaje, kako na planirani objekat tako i planiranog objekta na druge objekte i postrojenja, stečena prava korisnika, postojeću infrastrukturu, naselje i sl. i dati prijedlog mjera za uklanjanje, odnosno sprječavanja tih uticaja.

4. Uz zahtjev za izdavanje vodne saglasnosti za objekte farme za tov pilića pored investiciono – tehničke dokumentacije iz tačke 3. dispozitiva, Investitor treba dostaviti kopiju izdate urbanističke saglasnosti i okolinske dozvole, dokaz o uplaćenju upravnoj taksi u iznosu od 35,00 KM i 3,0 KM Federalne administrativne takse na zahtjev.
5. Ovu prethodnu vodnu saglasnost će Investitor koristiti u postupku dobijanja urbanističke saglasnosti ili okolinske dozvole i ona definiše sve uslove koje Investitor treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od 1 godine od dana izdavanja ovog rješenja, odnosno do 15.01.2011. godine.

O b r a z l o ž e n j e

Investitor **Mahmutović Elvedin**, se pismenim zahtjevom od 30.11.2009. godine obratio ovoj Agenciji sa zahtjevom za izdavanje prethodne vodne saglasnosti za ispuštanje tehnoloških otpadnih voda iz objekata farme za tov pilića, koja se planira graditi na zemljištu označenom kao k.č. br. 993/3 K.O. Jevadžije, općina Tešanj, a u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana slijedeća dokumentacija:

- Kopija lične karte
- Kopija mišljenja Službe za prostorno uređenje i zaštitu okolice Općine Tuzla za izgradnju objekta benzinske pumpe
- Kopiju katastarskog plana, broj plana 15 od 15.09.2009. godine
- Kopiju Zemljišno knjižnog izvadka, NAR i RZ broj: 2213/09, ZK uložak: 1758 od 16.11.2009.
- Prepis posjedovnog lista broj 06-30-7-11129/09 od 12.11.2009. godine
- Studiju uticaja na lokalni nizvodni režim voda farme za tov pilića, urađen od strane «IBIS» d.o.o. Zavidovići, decembar 2009. godine
- Dokaz o uplaćenju administrativnoj taksi (biljezi federalne administrativne takse u iznosu od 3 KM) i upravne pristojbe u iznosu od 45 KM na račun javnih prihoda Budžeta Federacije Bosne i Hercegovine kod UniCredit Bank br. 338-900-22115294-91, vrsta prihoda 722112, na ime izdavanja prethodne vodne saglasnosti (Zakon o federalnim upravnim pristojbama i Tarifama federalnih upravnih pristojbi – «Službene novine FBiH» broj 06/98).

Nakon uvida u dostavljenu dokumentaciju konstatovano je da sa aspekta sektora voda i priložene dokumentacije ne postoje zapreke da se Investitoru ne izda tražena prethodna vodna saglasnost, pa je donešeno rješenje kao u dispozitivu.

Uslovi za izdavanje vodne saglasnosti koja je uslov za izdavanje urbanističke saglasnosti i okolinske dozvole objekta benzinske stanice definisani su u tački 3. dispozitiva rješenja i isti trebaju biti obrađeni u investiciono-tehničkoj dokumentaciji koju će Investitor dostaviti uz zahtjev za izdavanje vodne saglasnosti, shodno članu 114. Zakona o vodama.

Tačkom 3.1. dispozitiva dati su uslovi i kriteriji koje mora ispunjavati pravno lice koje vrši izradu dokumentacije, a sve u skladu sa članom 14. stav 2. Pravilnika o sadržaju, obliku,

uslovima, načinu izdavanja i čuvanja vodnih akata, («Službene novine Federacije BiH», broj 6/08).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

**Po ovlaštenju
Rukovodilac sektora za
izdavanje vodnih akata**

Nedžad Vilić, dipl.inž.građ.

Dostaviti:

- Smail Fetibegović (opunomoćenik)
Bukva bb, 74260 Tešanj
- Federalno ministarstvo poljoprivrede,
vodoprivrede i šumarstva, Sarajevo
- FU za insp. poslove, vodna inspekcija
- AVP Sava, ISV-vodna knjiga
- Org.jed. 40 - arhiva